



Kultupeqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq  
Landsstyremedlem for Kultur, Uddannelse, Kultur, Forskning og Kirke

Inatsisartunut ilaasortaq Agathe Fontain

## § 36 apeqqut nr. 2008-54 pillugu akissut

Asasara Agathe Fontain

Knud Rasmussenip Højskoleani ammereriaaseq aamma kalaallisuliorneq ilinniartitsissutigalugu kiisalu Eqqumiitsuliornermik Ilinniarfimmi ammerinermik pikkorissartitsisarnissamik pilersitsinissamut apeqquteqaatit 26. maj 2008-meersoq innersuussutigalugu apeqqutinnut akissutitut ima ilisimatitsissuunga:

1. Knud Rasmussenip Højskolia højskolertitsilluni qangatuut ammereriaaseq ilinniartitsissutigalugu aaqquissuissappat, imaluuniit kalallisuliorneq ilinniartitsissutigalugu, soorlu nuilaqqusiornermut, qulissanik mersornermut, avittarnermut, kamitsanut alersiliornermut il.il., taava Namminersornerullutik Oqartussat konto suna atorlugu taakkununga tapiisnaappat?

Akissut: Knud Rasmussenip Højskoliani "Arnat Ilinniartiat" ukiumi atuarfiusumi tulliuttumi atuarfimmumut namminersortumut attartortinneqarpoq, maannangaarlu sulii paasineqanngilaq højskole 2008/09-mi utaqqiisaasumik efterskolit atorneqassanersoq. Taamaallilluni Knud Rasmussenip Højskolia ilisimatitsivoq, højskole ammereriaatsimut pikkorissaasarnermik imaluunniit kalaallisuliornermut ilinniartitsinermik maanna pilersaaruteqanngitsoq.

Aningaasanut inatsimmi ammereriaatsimik pikkorissaasarnermut kontomik aalajangersimasumik højskolemit imaluunniit allanit qinnuteqarfigineqarsinnaasumik peqanngilaq. Taamaattorli peqatigiiffiit, eqqumiitsuliortut il.il. suliniutinut aalajangersimasunut kulturikkut tapiissutitut aaqquissuussinermut tipsernermit lottonermillu pissarsianit qinnuteqarsinnaassapput.

2. Pilattarfeqarniarpa, innerisinnaaneq ilaasava, amminik assigiingitsunik suleriaaseq ilaatinneqassava?

Akissut: Eqqumiitsuliornermik ilinniarnermut pilersaarutinut tunngatillugu siuliani aamma kinguliani akissutit innersuussutigineqarput.

3. Eqqumiitsuliornermik Ilinniartuup allilernissaanut pilersaarutit qanoq siuarsimati-gippat?

6. juni 2008  
J.nr. 2008-008907  
Dok nr. 64216

Postboks 1029  
3900 Nuuk  
Oq/tel +299 34 50 00  
Fax +299 32 20 73  
Kiiip@gh.gl  
www.nanoq.gl/kiiin

Ilusilersuinnermut, assiliorluni eqqumiitsuliornermut aamma sanalulluni eqqumiitsu-  
liornermut atatillugu illutassanut ingerlatsinermullu tunngasutigut ISIIN aamma  
KIIIN ataatsimoortumik aaqqiissuteqarniarlutik suliniuteqarsimapput.

Maannamut Nuummi Ilusilersuinnermut, assiliorluni eqqumiitsuliornermut aamma  
sanalulluni eqqumiitsuliornermut ataatsimoorussamik ilinniarfiliornissamut aqutsi-  
soqatigiinnut allakkiamik tunniussisoqarnikuvoq

Suliaq pillugu aqutsisoqatigiit 2008-mi sap. ak. 24-mi ataatsimiinniarpur.

2008-mi Nuummi eqqumiitsuliornermut ilusilersuinnermullu ataatsimoortumik ilinniar-  
fimmik pilersaarusernermut 0,5 mio.-it aningaasaliissutigineqarput, illutassaatalu  
napparneqarnissaa 2009-mi pisinnaavoq. 2009-mi aningaasanut inatsisissatut  
siunnersuummut ilusilersuinnermut atuarfiup sananeqarnissaanut 7 mio.-it immik-  
koortinneqarput. Ilinniarfiup ingerlanneqarneranut siunnersuummi 2010-mut ukiu-  
nullu missingersuusiorfiusunut 2,5 mio.-it immikkoortinneqarput.

4. Eqqumiitsuliornermik Ilinniarfik siunissami isumalluutaalerniarpat, Knud Ras-  
mussenip Højskoleani pikkorissaasarnerit unitsinneqassappat?

Akissut: Sanalunnermut ilinniartitaaneq nutaaq - Ilusilersuinnermik Ilinniarfik "ILU-  
SEQ", pilersinneqarniarpoq kalaallit sanaluttarnerisa ileqquannik ingerlatserusuttu-  
nut ineriartortitserusuttunullu.

"ILUSEQ"-mi ilinniartitaanerup siunertarivaa atuagarsornikkut assarsornikkullu pi-  
ginnaanernik tunniussinissaq. Kalaallit ilusilersuisarnermut porsarsimassusiat aal-  
laavigalugu ilinniartup suliani nammineq ilusilersortassavai pilersitsisinnaassutsi-  
minullu piginnaanini ineriartortillugit. Assarsorluni suliaqarnermi ilinniartup periaatsit  
atortussiallu assiginngitsut ilisimasaqarfigilissavai, soorlu savat meqqunik, amer-  
mik, qisummik, ujaqqamik, saviminilianik, kigummik, saanernik nassumillu atuinik-  
kut kiisalu kalaallisuusuliornermi.

Ilusilersuinnermik ilinniartitaanerup pilersaarusernermi kalaallisuliorneq ilinniarti-  
taanermut ilaavoq. Aningaasaqarnikkut eqqarsaatigilluagaanaviangilaq ilinniarfini  
marluusuni – KRH-mi aamma ilusilersuinnermik ilinniarfimmik – kalaallisuliorneq  
sammineqassappat. Taamaattumik naggataagut pisariaqarsinnaavoq kalaallisuu-  
liornermik ilinniartitaanerup sumiinnissaa aalajangissallugu. Naleqqunnerpaassaaq  
eqqumiitsuliornermik ingerlatsineq ilinniarfimmik ataatsimi katersorneqarpat.

5. Qaqugu Eqqumiitsuliornermut Ilinniarfik allisaq kalaallisuliornermik ilinniartussa-  
nik tiguisinnaalissava?

Akissut: Ilinniarfiup pilersinneqarnissaanut 2009-mi aningaasanut inatsimmi ani-  
ngaasaliisoqarsinnaanera apeqqutaalluni eqqumiitsuliornermut ilusilersuinnermullu  
ataatsimoortumik ilinniarfik aallartissinnaavoq siusinnerpaamik 2009-p naalernerani  
imaluunniit ukiup aningaasaliiffiusup 2010-p ingerlanerani, ilinniarfik naam-  
masseriarpat. Ilinniartunik tiguisinnaaneq siusinnerpaamik 2009-p naalernerani  
pisinnaavoq.

Apeqqutinut 3-mit 5-imut atatillugu erseqqissaatigissavara eqqumiitsulionermik ilinniarfimmik pilersitseratarsinnaanermut ingerlatsinermullu ISIN akisussaasuummat.

Inussiarnersumik inuulluaqqusillunga

Tommy Marø

Assinga: ISIN